

نورک پوردی

ناشری: نورک پوردی
مدیری: جلال سامر

۱۴۷ صافی ۱۳ جلد ۶ پیل

۸ تشرین ثانی ۱۳۳۳

۱۳۳۳ صافی ۱۹

محررلرندن محمد عاصم بك طرفندن يوقاريكى عنوان ايله بر كوندك غزته چيقاريلغه باشلادی .
 ۱۳۳۳ سنه سی ۲۲ تشرین اوله مصادف بازار ايرتسی كونی چيقان برنجی «نومرو»ك (غزته منر)
 سرلوحه لی باش وافتاحی مقاله سنده مقصد و غایه یی ایضاح ایدرکن شویله دنیلیور :
 « تعقیب ایتدیگمز باشلیجه غایه مملکتك احتیاجنه ، صلاحنه ، فیض و ترقیسنه تعلق ایدن
 معین مسئله لر مشغول اولق ، كرك شهرمنك و كرك طشره لك حیاته هائد شیلره خارجی حوادلندن
 فضله اهمیت ویرمك و بالخاصه اجتماعی و اقتصادی ساحه لرده جانلی بر فعالیت کونسترمه چالش مقدر .
 بو غایه لك تأمین ایچون مطبوعاتمیزده كوكله شهان بعض اصوللردن آیریله جغز : مثلاً هر كون عینی
 مسئله لر حقنده سویلنه جك هیچ برشی بیله اولماسه مقاله یازماسی اصولی یواش یواش ترك ایده جك
 و باش مقاله ستونلرمنی هر صنف متخصصلر ك قلملرینه آچه جغز . بوندن باشقه غزته ك سائر
 ستونلرنده بو كونیكی جمك مساعده سی دائره سنده متخصص قلملره كیتدجكه فضله برر ویره جگیز .
 یكى رفیقمنزك بو كونه قادار وقوعبولان نشریاتندن بو وعده سی ایفایده جگنی تخمین ایدیورز .
 صحیفه كنارلرینك چوق فضله كینش قالماسندن و مطبعه یا كلشیرینك زیاده جه بولماسندن صرف نظر
 اولونورسه ، شكل ظاهریسی ایلده چوق سویملی اولان بو غزته ، شكل مغویسی و مندرجاتی اعتباریله
 شایان عنونیت بر حالد نشر ارنمقده در . بالخاصه قادیلق مسئله لرینه دائر اولان نشریاتی نظر دقتی
 جلبه سزادر .

یكى رفیقمنزه توركلكه نافع نشریات ، موفقیتلی حیات و اوزون عمرلر دیله یهرك ، صاحب امتیاز
 و محررلرینی تبریک ایده رز .

توركلك شونى

قره حصارده عثمانی آنونیم صنایع شركتی . — قره حصار ۲۱ تشرین اول — قره حصار
 لوانك هر طرفندن كلهرك دون اتحاد و ترقی قلوبنده طوبالانمش اولان اشراف و اعیان محلیه ، قره
 حصار صاحب متصرفی شوكت ، اتحاد و ترقی كاتب مسئولی بسیم ، قره حصار مبعوثلری سالم و آغا
 اوغلی احمد بكلك حضوریله بش بوز بیک لیرالق بر عثمانی آنونیم صنایع شركتی تأسیس ایتدیلر .
 شركتك نظامنامه سی قرائت و قبول اولوندى . حاضر فی المجلس ذوات در حال ایكى یوز بیک لیرالق
 متجاوز مقدارده حصه سندینه مشتری قید ایدلدیلر . اهالیده كورونن شوقه نظراً ، بوتون سنداتك
 بك یاقین زمانده قید اولونه جفی محققدر . شركت قره حصار لوانسده هر نوع تشبثات صناعیه اجراسنه
 بذل مساعی ایله یه جگدر .